



**«Ա.ՍՊԵՆԴԻԱՐՅԱՆԻ ԱՆՎԱՆ ՕՊԵՐԱՅԻ ԵՎ ԲԱԼԵՏԻ ԱԶԳԱՅԻՆ ԱԿԱԴԵՄԻԱԿԱՆ ԹԱՏՐՈՆ»
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ**

Հ Ր Ա Մ Ա Ն

N 335-L

«20» մարտի 2020 թ.
ք. Երևան

**«Ա. ՍՊԵՆԴԻԱՐՅԱՆԻ ԱՆՎԱՆ ՕՊԵՐԱՅԻ ԵՎ ԲԱԼԵՏԻ ԱԶԳԱՅԻՆ ԱԿԱԴԵՄԻԱԿԱՆ ԹԱՏՐՈՆ» ՊԵՏԱԿԱՆ
ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ՏՆՕՐԵՆԻ 2020 ԹՎԱԿԱՆԻ ՄԱՐՏԻ 16-Ի «ԿՈՐՈՆՈՎԻՐՈՒՍԻ
ՏԱՐԱԾՄԱՆ ԿԱՐՆԱՐԳԵԼՄԱՆ ՆՊԱՏԱԿՈՎ ԹԱՏՐՈՆԻ ԳՈՐԾՈՒՆԵՈՒԹՅԱՆ ԿԱՍԵՑՄԱՆ ՄԱՍԻՆ» ԹԻՎ
332-L ՀՐԱՄԱՆՈՒՄ ՓՈՓՈԽՈՒԹՅՈՒՆ ԵՎ ԼԱՐՑՈՒՄ ԿԱՏԱՐԵԼՈՒ ՄԱՍԻՆ**

Հիմք ընդունել «Հայաստանի Հանրապետությունում արտակարգ դրություն հայտարարելու մասին» ՀՀ կառավարության 2020 թվականի մարտի 16-ի թիվ 298-Ն որոշմամբ հաստատված հավելվածի 17-րդ կետի, ինչպես նաև Պարետի 2020 թվականի մարտի 17-ի թիվ 2 որոշման պահանջները՝

հրամայում եմ.

1. «Ա. Սպենդիարյանի անվան օպերայի և բալետի ազգային ակադեմիական թատրոն» պետական ոչ առևտրային կազմակերպության, (այսուհետ՝ Թատրոն) տնօրենի 2020 թվականի մարտի 16-ի «Կորոնավիրուսի տարածման կանխարգելման նպատակով Թատրոնի գործունեությունը կասեցնելու մասին» թիվ 298-L հրամանում կատարել հետևյալ փոփոխությունն ու լրացումը՝

ա. 1-ին կետը շարադրել հետևյալ խմբագրությամբ՝

«1. 2020 թվականի մարտի 16-ից մինչև 2020 թվականի ապրիլի 14-ը Թատրոնի տարածքում արգելվում է հանրային միջոցառումների կազմակերպումը, անցկացումը և դրանց մասնակցությունը: Սույն կետի իմաստով հանրային միջոցառումներ են 20 և ավելի անձանց մասնակցությամբ անցկացվող հետևյալ միջոցառումները.

1) համերգները, թատերական ներկայացումները և մշակութային այլ միջոցառումները.

2) ժամանցային միջոցառումները»:

2. Հրամանը լրացնել հետևյալ բովանդակությամբ 1.1-ին կետով՝

«1.1 Նկատի ունենալով, որ «Հայաստանի Հանրապետությունում արտակարգ դրություն հայտարարելու մասին» ՀՀ կառավարության 2020 թվականի մարտի 16-ի թիվ 298-Ն որոշմամբ հաստատված հավելվածի 17-րդ կետի, ինչպես նաև Պարետի 2020 թվականի մարտի 17-ի թիվ 2 որոշման համաձայն Թատրոնը իրավունք չի ունենալու իրականացնել իր կանոնադրությամբ նախատեսված որևէ գործունեություն, ինչպես նաև կորոնավիրուսի տարածման կանխարգելման նպատակով՝ 2020 թվականի մարտի 16-ից մինչև 2020 թվականի ապրիլի 14-ը կասեցնել Թատրոնի մշակութային գործունեությունը:

**Թատրոնի տնօրենի
Ժամանակավոր պաշտոնակատար՝**
ք. Երևան
«20» մարտի 2020 թ.

Կ. Կիրակոսյան